

Zeitschrift: Schwyzerlüt : Zyschrif für üsi schwyzerische Mundarte

Band: 17 (1954-1955)

Heft: 1 [i.e. 2]

Artikel: Dr Albin Fringeli im Soledurner Gäu

Autor: Jäggi, Beat

DOI: <https://doi.org/10.5169/seals-185462>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 08.08.2025

ETH-Bibliothek Zürich, E-Periodica, <https://www.e-periodica.ch>

Dr Albin Fringeli im Soledurner Gäu

vom Beat Jäggi

Me chönnt eigetli au säge: Dr guet Geist im Soledurner Gäu.
Mitti vo de zwänzger Johre het dr Regierigsrot Dr. Robärt Schöpfer, wo sälz Zyt Erziehigsdiräkter gsi isch z' Soledurn, dr Albin Fringeli als junge, früschenbachne Bezirkslehrer für ne Stellverträig uf Neuedorf, is Gäu, gschickt. So isch dr Dicher us em Schwarzbuebeland — Gott sei Dank — hinter de blaue Jurabärge vürecho i neu's Land cho achere. Syni Sömlis si gly errunne, wo ner gsäit het. I bi dozomol doch erst e Drittklässler, also e Primarschüeler gsi. Vo mym Dörfli a dr Aare dure läng Wald duren uf Neuedorf isch 's gwüss no ne gäbige Wägstrecki gsi. Und glychwohl hani dr Albin Fringeli z' gspüren übercho. Das isch so gange: Loset nume! I ha ne Brüeder gha und dä isch all Tag mit ere Chupple anderne Kamerade uf Neuedorf i d' Bezirksschuel gange. O, hätti doch numen au dörfe mit ne goh. Dr Fringeli het drum syne Schüeler nit nume Husufgabe, nei no vill anders mit ufe Heiwäg gä: D' Freud für schöni Sache z' läse und z' gseh. Wie hani doch dene Bezirksschüeler chönne zuelose, wenn si vo ihrem Dichter-Lehrer verzellt hei. Guldigi Fäde sägeni, si vo däm Ma us i jedes Dorf use gange dur d' Schuel und was am schönsten isch: dur syni Schüeler sälber. D' Gäuerlüt hei si afo bsinne, ass am Dünnerebach mängs schöns versteckt isch. Alti Hüser und Spycher hei uf 's Mol ne grosse Wärt übercho, wyl öppis heimeligs drus use gluegt het. D'Gäuerlüt hei au d' Mundart i de Büecher und Kaländer afo estimiere. Si isch ne nümme as öppis herts vorcho. Do drfür het dr Albin Fringeli grad dur syni prächtige Värsen und Kaländergeschichte gsorget. A de lange Winteröben isch er i d' Dörfer use vo syne eigne Sache goh vorläse. I dr Freizyt isch dr Dichter aber au zu de Lüte gange, mit ne goh brichte und das het albe grüsli wohl to. 's dunkt mi, 's syg erst gester gsi, wos gheisse het: «Dr Dichter Fringeli isch im Dorf.»

Wo-ni im Nünezwänzgi au Bezirksschüeler worde bi, isch er leider nümme Stellverträter gsi z' Neuedorf. I ha 's lang nit chönne verwinde, ass i drnäbe cho bi. Grad das chlyne Erläbnis mit em Dichter us em Schwarzbuebeland sell de liebe Läser zeige was är für ne guete Geist i's Solodurner Gäu treit het. UF Ehrewort, me gspürt hüt no rächt vill drvo.